



Adoijaa Maabaf/Garjén/Boc ólar Negerani goróiya/Fuáñizza-sára Hoñissa:

Ciñçi yíanot Gór-sára maincóre modot gorar kaanun, McKinney-Vento Homeless Assistance Act (Subtitle B-Education for Homeless Children and Youth) ór mutabek oñnor hók ólore buzáidiyé. Eskuilla fuwar sóbse beetor sintar fáisela gorat modót bonibólla maalumat iín diyagiyé. Ciñçi yíanot asedé maalumat ólot zodi súal yáto thencén tákile, meérbaniqori Eskul Cómaji Hamgoróiya yáto Eskul Solóiya loi iínór babote mocuwar goijjo. Zodi oñnottu aró mozit modót lagile, Gór-sára ólor Lékaforar Program (HEP) ofís loi (414) 475-8911 ót fún goijjo.

Dilor Sáñte,

Milwaukee Public Schools

Gór-sára honnwá?

Gór-sára maincór lékaforar modót gorar kaanun (McKinney-Vento Homeless Education Assistance Act) ór mutabek oñnore gór-sára hísabe etebargaribo zodi oñne óile:

- thiañ fóisa yáto oinno mockilat ór harone foribar yáto fúañijja ókkol ór sáte gór ciíyar gori táka
- sáara diyedé zaga, tákibor tob dili program, hóthel/mothel, yáto kémp ór uçanot táka
- rasta, gari, féli ráikkéde bildhíng yáto oinno tákibór munaséf nóide indhílla zagat táka

Gór-sára Boinnéde Eskuilla Fuaindor Hók ókkol:

Gór-sára maincór lékaforar modót gorar kaanun (McKinney-Vento Homeless Education Assistance Act) é gór-sára boinnéde eskuilla fuain beggún, eskulór umor ar eskulór umor óttu hom boc, itárare honó rukawódh sára munaséf áam lékafora faibór hók asedé yían fákka gore. Háas gori, gór-sára boinnéde eskuilla fuaindóttu hók ase:

- eskulót uça, itára zeçe tákibo tákók (mesál, sáara diyéde zaga, hóthel)
- gór-sára bonibór age itára foijjéde eskul ót tákit fara (asól eskul) zodi yían eskuilla fuwar beetor sinta ar maabaf/garjén/fuáñizza-sára hoñissa ólor fosón óile. Zodiyó itárar fosón gorare mani lói no faille, fáisel yían ar fáisela yían goragiyéde haron lekiyóre hámahá itárare zanai diyafaribo. Fáisela yían zodi itárar ícca mozin nóile afil gorazaibo.
- asól eskul yáto gór-sára bonibór age foijjéde cec eskul ót aá zaar bebosta goron zodi yían eskuilla fuwar beetor sinta óile
- deri nogori eskulót nam góla, zodiyó aám tour or uore lagadé dokumén no tákileyo, zindhílla eskul ór rekódh, medhikel rekódh, thíka marar rekódh yáto fuáñizza-náide gór-sára hoñissa fuwalla maabafor ejazot nama
- thíkana ar tákédde zagat sóbut nodiyóre eskulót nam góla
- fosóndor eskulót nam gólai uça, zodiyó hóizza fáisel yáto afil sólar thaimót óileyó
- eskulót uça ar eskulór hashormo ar program ókkolót córik uwa ebafe zindhílla itárar fuáñijja gore
- gór-sára boinnéde eskuilla fuaindore honótte alók nogora
- itárar fuáñijja ólor coman háas program ókkol (Háas Lékafora, Hótorat, Hádiya ar Salak, aro boot (Special Education, At-Risk, Gifted and Talented, etc.) loot fa

Gór-sára Boinnéde Eskuilla Fuaindólla Aséde Sárvis Ókkol:

Lékaforar rukawódh ókkol hóthaite gór-sára boinnéde eskuilla fuaindólla becábici sárvis ókkol faa za. Fotti eskuilla fuaindor nizor zorurotór uore darmodar gori, sárvis iñnot cámil óitfare:

- eskuilla fuar asól eskul ót aá zaa gora
- eskulór gezar program ókkol
- eskul óttu diyéde cíz ar fís ókkol
- eskul program ókkolór age ar bade
- sóbok ór program ókkol
- nam gólar modot
- eskul ór age/sóore lékaforar sárvis ókkol
- ESL sárvis ókkol
- hóta báñgidiyar sárvis ókkol
- eskul séhet sárvis ókkol
- Title-I sárvis ar program ókkol
- mazur eskuilla fuaindólla háas lékafora/program ókkol
- fecáwari ar théknikel program ókkol
- bodoilla ar hótorat Program ókkol
- hádiya ar salak ór program ókkol
- cómaji risoós ókkol ór íkka rifár góra

Eskuilla Fuwa Rakár Hóizzar Amól:

Eskulót diyár babote zehón hóizza óibo, maabaf/dekbal goróiya yáto fuañizza-sára hóñissa ólottu onlain ót ekkán Hóissar Fáiselar Fórom (Dispute Resolution Form) fura goron sa eçe:

<https://mps.milwaukee.k12.wi.us/en/Families/Family-Services/Dispute-Resolution-Form.htm#form>

Kástomar Sárvis Divicén ór estáf e onlain fórom iba fura goribiccot oñnore modót gorit fare yáto onlain cékuwa fórom fura goribór age oñnoloi hóta hóit fare. Cékyot ókkol sóiyi zagat foñsibo ar oñnor cékyotór babote oñnoloi konthék gori aíbo. Górsárar Raabeta (Homeless Liaison) e maalumat ór uore darmodar gori fáisela goribo ar barábaridóiyar háñse fáiselar kópi ékkan defeçaibo. Hóizza cómadan uwa fóijjonto eskuilla fuwattu nizor fosóndo eskulót uçibor hók ase. Áam Manúic ór Hédayoti Dhípaáthmen ór Górsára Fuain ar Hóñissa ólor Lékaforar Estheith Koórdhinéithar loi konthék gori afil zomadi fariba (konthék goribar maalumat nise ase). Górsára bade oinno hóizza ókkol ólla, meérbani gori MPS ór *Maabaf/Eskuilla fuwar Hók, Zimmadari ar Kaanun ókkolór Hátboi (Parent/Student Handbook on Rights, Responsibilities and Discipline)* óre soó.

Risoós ar Maalumat Ókkol

TAÁSIR 2-1-1 (IMPACT 2-1-1)

Onlain risoós dharikthori & Laiv Céth: www.211wisconsin.communityos.org

Fún: 211 ♦ (414) 773-0211 ♦ Téx sára: 1-866-211-3380

Text: TXT-211 (898211) ót zip kúdh óre text gori fatháiyó

Górsára boinnéde Fuain ar Hóñissa ólor Lékaforar Zatiyo Tonzim (National Association for the Education of Homeless Children and Youth)

Websáith: www.naehcy.org ♦ Fún: (612) 430-6995 ♦ Email: info@naehcy.org

Górsára ólor Lékaforar Zatiyo Sénthar (National Center for Homeless Education)

Websáith: www.nche.ed.gov ♦ Fún: 1-800-308-2145 ♦ Email: homeless@serve.org

EskulGór Raabeta (SchoolHouse Connection)

Websáith: www.schoolhouseconnection.org

Fún: (202) 364-7392 ♦ Email: info@schoolhouseconnection.org

Wisconsin Áam Manúicór Hédayoti Dhípaáthmen (Wisconsin Department of Public Instruction)

Górsára Fuain ar Hóñissa ólor Lékaforar Estheith Koórdhinéithar ór

websáith: www.dpi.wi.gov/homeless ♦ Fún: (608) 267-1284